

KAGISO



"Ao! o kabo o itsile, Ehe, e leng wena, mo tsatsing leno la gago, dilo tse e leng tsa kagiso, mme jaanong di subetswe maitlho a gago." (Luka 19:42).

Ha re gadima kwa le kwa, mme re thokomela dilo tse di diragalang kajeno, re lemoga sentle gore ga go na kagiso mo lefatsheng leno. Gongwe le gongwe, go utlwala kilo, tlabano, polao, le tumo ya tlabano. Ga go kgathatsege gore o phetla kuranta efe, o tia fitlhela mo go yona dilo tse di boitshegang tse batho ba di direlanang, mme e le fela ka ntsha ya boleo, le kilo, le lefufa. Banna ba bagolo ba lekile ka dingwaga go tsisa kagiso mo lefatsheng, mme ga go na ope wa bona, yo o kgonneng. Ga se lefatshhe fela, le le thokang kagiso; re bua ka bohutsana re re, le malapa a le mantsi,

a thoka kagiso. Molato o mogolo ke gore, bontsintsi ga bo na kagiso mo dipelong tsa bona. Motswedi wa molato ke ona o.

LEBAKA KE LEFE HA KAGISO E SEO?

Mo tshimologong Modimo O tihodile lefatshe le majang, le dithunya, le ditlhare, le diphedi tsotlhe tse di mo metsing, le tse di mo godimo ga mmu. Le gona Modimo wa tlhola Adamo le Efa, mme mo thologong yotlhe e, go ne go busa kagiso. Adamo le Efa, ba ne ba sa boife epe ya diphedi tseo. Le gona, diphedi tseo, di ne di phela mmogo ka kagiso le ka boitumelo. Nku e ne e fula fa thoko ga tau, mme tau e ne e sa kake ya e direla kotsi epe. Godimo ga moo, go ne go na le kagiso fa gare ga Modimo le motho, mme jalo, Modimo O ne O tla thapama, O fitlhe O itise le Adamo le Efa, O tlotle nabo. Ba ne ba sa tshabe Modimo, ba ne ba tlhologelwa go itisa nao.

Mme Satane, yo o leng mmba wa kagiso, a tsena mo nogeng, a raela Adamo le Efa a ba leofisa: kwa bolelo bo leng gona, ga go na kagosi. Satane rramaaka, a ba raya a re ga ba kitla ba swa le ha ba ka nyatsa Modimo ba ja setlhare se ba se ileditsweng. Fela jaaka bontsi jwa batho bo dira le kajeno, bo reetsa maaka a diabole, le Adamo le Efa ba dira jalo, ba reetsa, ba be ba dira se Satane a se ba rayang, ba leofela Modimo jalo. Ka yona nako eo, kagiso ele e e rategang, ya ba latlhegela. Kagiso le bontle jotlhe jo Modimo O bo tihodileng tsa senyega ka seleo se le sengwe fela, mme poifo ya tsena mo dipelong tsa bona. Mantsiboana ona ao, ha Modimo O tla go itisa nabo jaaka gale, ba ya go iphitlha, ba boifa go nna le Ona. Ka go le jalo he: "Boleo bo tsile mo lefatsheng ka motho a le mongwe fela." (Bar. 5:12; 3:23). Ka gantsi bolelo bo tsala jo bongwe. Mme gompieno lefatshe le a lwala ka bolelo, mme ka go le jalo kagiso ha e yo mo lefatsheng.

MODIMO O ELEDITSE GO BUSESATA KAGISO GAPE MO LEFATSHENG.

Modimo wa leba mo lefatsheng O le kwa legodimong mme wa bona kilo, sebe le bohutsana, mme ka ntsha ya lorato lwa Ona, wa roma Morwa wa Ona yo o tsetsweng a le nosi, a tsalwa mo bojelong jwa dipitsi. Mme ngwaga le ngwaga, re gakololwa mafoko a Moengele a a reng: Se boifeng gonne, bonang ke lo tsisetsa mafoko a a tla nnang boitumelo mo bathong botlhe. Gonne lo tsaletswa Mmoloki gompieno mo motseng wa ga Dafide, yo o leng Kresete Morena. Mme ka bonako ntwa ya legodimo ya nna le moengele, ba baka Modimo ba re: Kgalalelo e nne go Modimo kwa godimo-dimo, le kagiso e nne mo lefatsheng, le natefo e nne mo bathong. (Luk. 1:79). Mo go Baefesia re bolelelwa go twe: ke ene kagiso ya rona. (Baef. 2:14).

Modimo O rometse Kgosana ya kagiso mo lefatsheng leno, mme ha batho ba sebaka sele, ba ka bo ba ne ba tshola kgosana e ya kagiso, ba ka bo ba ne ba phela ka kutlwano gape.

BATHO BA DIRILENG KA KAGISO EO?

Jaaka Adamo le Efa, Bajuda le Baditshaba, le batho botlhe ba metlha eo,

ba itshenkela go nyatsa Modimo, ba latela kgokololo ya ga Satane. Ba gana Kgosana ya kagiso. Ya re Pilato a ba botsa a re: Lo batla gore ke lo gololele mang Barabas gongwe Jesu yo o bidiwang Kresete, "ba gowa ba re: Re gololele Barabas, mme bapola Kresete." Ka mafoko a mangwe ba ne ba re: "Tlosa Kgosana ya kagiso, mme o re fe kilo, le tthabano, le dipolao le sebe." Batho bao ba ne ba na le thelelo ya go itshenkela, go ne go se na pateletso epe, jalo ba itshenkela Barabas. Sebaka seno sa rona se ntse fela jalo. Modimo O re neile thelelo ya go itshenkela. Re ka nne re itshenkela Jesu gore a nne Mopholosi le Kgosi ya rona, mme o tla tsisa kagiso mo dipelong tsa rona. A re: Kagiso kea e lo tlogelela, Kagiso ya me kea e lo naya, ga ke lo nee jaaka lefatshe le naya. (Joh. 14:27). Dibe tse di mo dipelong tsa rona, di re katositse thata, mme ga re na kagiso mo teng ga rona. Mme Jesu O eme ka gale ka diatla tse di bulegileng, a letile go re atlarelala le go re busetsa mo letsomaneng, le go re tthatswa ka Madi a gagwe a a molemolemo, le go re naya tshiamelo ya go nna bana ba Modimo, le gore naya kagiso.

Re bolelelwa mo go Baroma 5:1 ga twe, "mme jalo ka re na le tumelo, re na le kagiso le Modimo ka Jesu Krisete." Ga go na sepe mo lefatsheng leno se se ka re nayang kagiso. Mahumo le madi le tlotlo ga di kake tsa re naya kagiso. Nno ga e kake ya re naya kagiso. Tota, le go ikwala maina mo kerekeng ga go kake ga re naya kagiso. Tsela e ngwe fela e e nayang kagiso. Ke yona ya go tla kwa go Jesu, go ikwatlhaela dibe le go di tlogela, foo, "o boikanyo le tshiamo ya go re itshwarela le go re itshepisa mo tshiamololong tsotlhe." Kagiso e Jesu a e nayang, ke e e fetang tihaloganyo yotlhe. (Bafil. 4:7). Kagiso eo, ga se e e ka tihalosiwang ke motho yo mongwe. Motho o tshwanetse gore a e ikutwele ka nosi mo bophelong ba gagwe. E tla fela ha re rata go fularelala lefatshe le tsa lona, le bolelo le ditsala tse di leofisang, le go sokologela kwa go Jesu Krisete le go direla **ENE** a le nosi fela.

Go a kgonega gore motho a phele a se na kagiso mme, ke taba e e tshabegang go swa motho a se na kagiso, gonne: Puso ya Modimo ga se go ja le go nwa, mme ke kagiso. (Bar. 14:17). Ha re swa re se na kagiso ya Modimo mo dipelong tsa rona, ammarure ga re kake ra amogelwa mo legodimong la Kagiso. Ha re sa amogela Kgosana ya kagiso mo dipelong tsa rona, mme re swela mo seemong sa rona sa bolelo, foo felo go gongwe fela kwa go re tshwanetseng, ke kwa moleteng o o sa khutleng. Ga o a tshwanetse ke go swela mo boemong jo o mo go jona gompiono, gonne o tla latlhega ka bosena bokhutlo. Lefoko la Modimo le re bolelela gore, mosi wa tlhokofatso ya gago, o tla kupa ka gale le ka gale. Moleifi o ya kwa moleteng o o sa khutleng. "Gonne re leofile rotlhe, ga go ope yo o siameng, le e seng yo mongwe fela. Ha o batla go ya kwa legodimong, se o ka se dirang se sengwe fela, dira kagiso le Modimo, mme kagiso ya Modimo e tla tsena mo pelong ya gago." (Bakol. 3:15).

Ka sebaka sa Kresemose re gopotswa ha Jesu a tla mo lefatshang a tsisa kagiso. Ka sebaka sa Paseka re gopotswa kafa batho ba mo genneng ka teng, ba be ba mmapola. Moratiwa a le wena o mo setlhopheng sa batho ba ba mo ganneng? Gongwe o rata go bula pelo ya gago go mo amogela? tsela e ngwe fela ya go bona kagiso ya Modimo mo pelong, tsela eo ke gore o khubame fa pele ga Morwa, o mo ipobolele popego ya gago ya boleo, o mo kope gore a go tlhatswe ka Madi a gagwe a a molemolemo, a be a go dire wa gagwe. Ga go kgathatsege gore a o siame, o tlhoka pholoso. Ga go kgathatsege gore o leofile go le kana kang. O a rata go go amogela. A ka se ka a go leleka. Ha e le gore ga o ise o ke o nne le temogo ya kagiso ya Modimo, e amogele gompiono, mme o tla nna le boitumelo jo o iseng o ko o bo bone.

E kile ya re go lwe mo tirelong ya Efangele, monnamogolo mongwe a ema a re: Ke phedile mo pusong ya dikgosi di le nne. Mo pusong ya kgosi ya nthla re ne re le mo tlhabanong ka gale. E ne e le sabaka sa poitshago. Mo pusong ya kgosi ya bobedi ra welwa ke lesekedo, ra ja mogatla le bojong. Mo pusong ya kgosi ya boraro, baba ba rona ba re fenywa, ba re thopa, ra nna batlhanka ba bona. Mme mo pusong ya kgosi ya bone, re ne ra etelwa ke **kgosi, kgosi e kgolo, kgosi ya tshiamo, kgosi ya kagiso, kgosi ya lorato**, ebong **Jesu** a tswa kwa legodimong. Jaanong go fentse **ene**, o fentse dipelo tsa rona. Jaanong re phela mo kagisong, le mo letlotlong, mme re na le tsholofelo ya go ya go aga Nae ka bonako kwa legodimong.

Moratiwa, neela Jesu bophelo jwa gago. Ka yona nako e bowa mo tseleng e e fologelang kwa moleteng. Sokologa mme o direla Kgosi ya dikgosi, le Morena wa barena. Motlhamongwe bontsi jwa ditsala tsa gago bo tla go phatlallela. Fela gopola gore Jesu o rile: Bona ke na le lona ka gale le kwa bokhutlong jwa lefatsho. La bofelo, a kagiso ya Modimo e buse mo pelong ya gago.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Our Heart of Man Book can now be downloaded in 480 different languages onto cell phones, tablets, etc from our website www.angp-hb.co.za.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)